



史記讀本

第三

ms  
K204.2  
13

影印武英殿本

史記讀本 第三

伯夷列傳 管晏列傳  
老莊申韓列傳 屈原賈生列傳  
儒林列傳



3 2168 0111 2

史記卷六十一

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

伯夷列傳第一

索隱列傳者謂敘列人臣事跡令可傳於後世  
故曰列傳**正義**其人行跡可序列故曰列傳

夫學者載籍極博猶考信於六藝詩書雖缺然虞夏之

文可知也索隱孔子系家稱古詩三千餘篇孔子刪三

黃帝立孫帝魁之書迄秦穆公凡三千三百三十篇乃  
刪以一百篇為尚書十八篇為中候今百篇之內見亡

乾隆四年校刊

史記卷六十一

列傳

一

四十二篇是詩書又有缺亡者也尚書有堯典舜典堯大禹謨備言虞夏禪讓之事故云虞夏之文可知也堯

將遜位讓於虞舜舜禹之間岳牧咸薦乃試之於位典

職數十年正義舜禹皆典職事二十餘年然後踐帝位功用既興然後授政

示天下重器案隱言天下者是王者之重器故莊子云天下之大器是也則大器亦謂之重器

王者大統傳天下若斯之難也而說者曰堯讓天下於

許由正義皇甫謐高士傳云許由字武仲堯聞致天下而讓焉乃退而遁於中嶽潁水之陽箕山之下隱

堯又召為九州長由不欲聞之洗耳於潁水濱時有巢父牽犢欲飲之見由洗耳問其故對曰堯欲召我為九州長惡聞其聲是故洗耳巢父曰子若處高岸深谷人

道不通誰能見子子故浮游欲聞求其名譽汗吾犢口

牽犢上流飲之許由歿葬此山亦名許由山在洛州陽城縣南十三里許由不受恥之逃

隱及夏之時有卞隨務光者此何以稱焉案隱說者謂諸子雜記也

然堯讓於許由及夏時有卞隨務光等殷湯讓之天下  
並不受而逃事具莊周讓王篇正義經史唯稱伯夷叔  
齊不及許由卞隨務光者不少槩見何太史公曰余登

箕山索隱蓋揚憚東方朔見其文稱余而加太史公曰也其上蓋有許由冢云孔

子序列古之仁聖賢人如吳太伯伯夷之倫詳矣余以

所聞由光義至高索隱謂太史公聞莊周說許由務光

箕山洗耳於潁水下隨自投於桐水務光負石自沉於盧水是義至高其文辭不少槩見

何哉索隱按槩是梗槩謂略也蓋以由光義至高而詩

公疑於說者之言或非實也正義槩古代反 孔子曰伯夷叔齊不念舊惡怨

是用希求仁得仁又何怨乎余悲伯夷之意睹軼詩可

異焉索隱謂悲其兄弟相讓又義不食周粟而餓死睹

音觀軼音逸謂見逸詩之文卽下采薇之詩是也

不編入三百篇故云逸詩也可異焉者按論語云求仁得仁又何怨乎今其詩云我安適歸矣于嗟徂兮命之衰矣是怨詞也故云可異焉

其傳曰伯夷叔齊孤竹君之二子也

案

其傳蓋韓詩外傳及呂氏春秋也其傳云孤竹君是殷湯三月丙寅日所封相傳至夷齊之父名初字子朝伯夷名允字公信叔齊名智字公達解者云夷齊蓋也伯仲又其長少之字地理志孤竹城在遼西今支縣應劭云蓋伯夷之國君姓墨胎氏

正義本前注丙寅作殷湯正月三日丙寅括地志云孤竹古城在盧龍縣南十二里殷時諸侯孤竹國也父欲立叔齊及父卒叔齊讓伯夷伯夷曰

父命也遂逃去叔齊亦不肯立而逃之國人立其中子

於是伯夷叔齊聞西伯昌善養老盍往歸焉

案劉氏云盍者疑

詞蓋謂其年老歸就西伯也及至西伯卒武王載木主號為文王東

伐紂伯夷叔齊叩馬而諫曰父死不葬爰及干戈可謂

孝乎以臣弑君可謂仁乎左右欲兵之太公曰此義人

也扶而去之武王已平殷亂天下宗周而伯夷叔齊恥

之義不食周粟隱於首陽山采薇而食之集解馬融曰首陽山在河

東蒲坂華山之北河曲之中薇蕨也爾雅云蕨鯀也正義陸機毛詩草木疏云薇山菜也莖葉皆似小豆

蔓生其味亦如小豆藿及餓且死作歌其辭曰登彼西

山兮采其薇矣索隱西山以暴易暴兮不知其非矣索隱

以武王之暴臣易殷紂之暴主而不自知其非矣神農虞夏忽焉没兮我安適

歸矣索隱儀農虞夏敦樸禪讓之道超忽久矣于嗟徂

兮命之衰矣索隱吁嗟嗟歎之辭也徂者往也死也言

之時至憂遂餓死於首陽山由此觀之怨邪非邪索隱

而餓死太史

公言已觀此詩之情似是有怨那又疑其云非是怨那

**正義**曹大家注幽通賦云夷齊餓於首陽山在隴西首

又戴延之西征記云洛陽東北首陽山有夷齊祠今在

偃師縣西北又孟子云夷齊避紂居北海之濱首陽山

說文云首陽山在遼西史傳及諸書夷齊餓於首陽凡

五所各有案據先後不詳莊子云伯夷叔齊西至岐陽

見周武王伐殷曰吾聞古之士遭治世不避其任遇亂

世不為苟存今天下闇周德衰其並乎周以塗吾身也

不若避之以絜吾行二子北至於首陽之山遂飢餓而

死又下詩登彼西山是今清源縣音陽山在岐陽西北

明即夷齊餓死處也或曰天道無親常與善人若伯夷叔齊可謂

善人者非耶案隱又白起論云若夷齊之行如此可積

仁絜行如此而餓死且七十子之徒仲尼獨薦顏淵為

好學然回也屢空糟糠不厭案隱厭言飢也謂不飢飽

日糟糠之妻是也然顏子一而卒蚤天之報施善人

簞食瓢飲未見有糟糠之文

而卒蚤天之報施善人

而卒蚤天之報施善人

而卒蚤天之報施善人

而卒蚤天之報施善人



其何如哉盜跖日殺不辜

索隱 蹠與跖同並音之石反盜跖柳下惠弟見莊子為篇

名正義

按蹠者黃帝時大盜之名以柳下惠弟為天下大盜故世放古號之盜蹠

肝人之肉

索隱

劉氏云謂取人肉為生肝非也莊子云

暴戾恣睢

索隱

謂兇暴而惡戾也鄒誕生恣音資睢音千餘反劉氏恣音如字睢音休季反恣睢謂恣行為睢惡之貌也

聚黨數千人橫行天下竟以

正義

兇暴惡戾恣性怒白日也

睢仰白日怒貌也言盜蹠

壽終

集解 駟案皇覽曰盜跖冢在河東大陽臨河曲直弘農華陰山潼鄉按盜跖即柳下惠弟也

索隱 直者當也或音值非也潼音同按潼水名因為鄉今之潼津關是亦為縣

州河北縣西二十里河北縣本漢大陽縣也又今齊州平陵縣有盜跖冢未詳也

是遵何德哉

索隱 言盜跖無道橫行天下竟以此其尤大彰明較著

者也

索隱 較明也言伯夷有德而餓死盜跖暴戾而壽終是賢不遇而惡道長尤大著明之證若至

近世操行不軌專犯忌諱而終身逸樂富厚累世不絕

索隱謂若魯桓楚靈  
音獻齊襄之比皆是

或擇地而蹈之索隱謂不仕暗君  
不飲盜泉畏足高

山之頂竄跡滄洲之濱是也  
正義謂北郭駱鮑焦等是也

時然後出言索隱論語夫  
子時然後言

行不由徑索隱澹臺  
滅明之行

非公正不發憤而遇禍災者不可

勝數也索隱謂人臣之節非公正之事不感激發憤或  
出忠言或致身命而卒遇禍災者不可勝數謂

龍逢比干屈  
平伍胥之比

余甚惑焉儻所謂天道是邪非邪索隱太  
史公惑

於不軌而逸樂公正而遇害為天道之非而又邪深  
惑之也蓋天道立遠聰聽暫遺或窮通數會不由行事

所以行善未之福行惡未之禍故先達皆猶昧之也  
義儻音他蕩反儻未定之詞也為天道不敢的言是非

故云子曰道不同不相為謀亦各從其志也正義太  
史公引孔子  
之言證前事也言天道人道不同  
一任其運遇亦各從其志意也 故曰富貴如可求雖

執鞭之士吾亦為之集解鄭玄曰富貴不可求而得之當修德以得之若於道可求而得

職我亦為之如不可求從吾所好集解孔安國曰所

歲寒然後知松栢之後凋集解何晏曰大寒之後衆木

衆木亦有不死者故須歲寒然後別之喻凡人處治世亦能自修整與君子同在濁世然後知君子之正不苟

容也舉世混濁清士乃見索隱老子曰國家昏亂有忠臣

彰見故上文歲寒然後知松栢之後凋先為此言張本也

豈以其重若彼其輕若此哉索隱謂伯夷讓德之重若

又一解云操行不軌富厚累代是其重若彼公正發憤而遇禍災是其輕若此也

齊由光君子疾沒世而名不稱焉索隱自此以下雖論

等也顏回附驥尾而行著蓋亦欲微見已之著撰不已亦是疾沒世而名不稱焉故引賈子貪夫徇財烈士徇名是

也又引同明相照同類相求雲從龍風從虎者言物各  
從類以相求太史公言已亦是操行廉直而不用於代  
卒陷非罪與伯夷相類故寄此而發論正義君子疾沒  
世後懼名湮沒而不稱若夷齊顏回潔行立名後代稱  
述亦太史公欲漸見賈子曰然故太史公引而稱之也

已立名著述之美也賈子曰然故太史公引而稱之也  
**貪夫徇財**正義徇才迅反徇求也

索隱言貪權勢以矜夸者衆庶馮生索隱馮者恃也音  
至死不休故云死權也

馮恃矜其生也鄒誕生作每生每者冒也冒即貪之義  
正義太史公引賈子警作史記若貪夫徇財烈士徇名

夸者死權衆庶馮同明相照索隱已下同類相求正義  
生乃成其史記

雨而柱礎潤謂雲從龍風從虎集解王肅曰龍舉而景  
同德者相應

龍風從虎也聖人作而萬物覩集解馬融曰作起也  
聖人起而居位則萬物之情皆得覩見故已今日又得

著書言世情之輕重也正義此有識也聖人有養生之

德萬物有長養之情故相感應也此以上至同明相照  
 是周易乾象辭也太史公引此等相感者欲見述作之  
 意合萬物有睹也孔子歿後五百歲而已當之故作史  
 記使萬物見觀之也太史公序傳云先人有言自周公  
 卒五百歲而有孔子孔子卒後至於今五百歲有能紹  
 明世正易傳繼春秋本詩書禮樂之際意在斯乎小子  
 何敢讓焉作述六經云易著天地陰陽四時五行故長  
 於變禮經紀人倫故長於行書記先王之事故長於政  
 詩記山川谿谷禽獸草木牝牡雌雄故長於風樂樂所  
 以立故長於和春秋辨是非故長於治人是故禮以節  
 人樂以發和書以導事詩以達意易以道化春秋以道  
 義撥亂世反之正莫近於春秋按述作而萬物睹見

伯夷叔齊雖賢得夫子而名益彰

正議 伯夷叔齊雖有賢行得夫子稱揚而

名益彰著萬物雖有生養之性

得太史公作述而世事益觀見顏淵雖篤學附驥尾而

行益顯

隸 蒼蠅附驥尾而致千里

巖穴之士趨舍有

時若此類名埋滅而不稱悲夫

正議 趨音趨舍音捨趨向也捨廢也言隱處之

身言身ノ一 友作 一ノ

士時有附驥尾而名曉達若閭巷之人欲砥行立名者

堙滅不稱數者亦可悲痛正義砥音旨礪行修德在鄉閭者若不託

士惡能施於後世哉

貴大之士何得封侯爵賞而名留後代也索隱述贊曰天道平分與善徒云賢而餓死盜且聚

羣吉凶倚伏報施糾紛子罕言命得自前聞嗟彼素士不附青雲

史記卷六十一

史記卷六十一考證

伯夷列傳○監本有小注云索隱本伯夷傳第一老子  
莊子韓非同傳第三索隱云二人教跡全乖不宜同  
傳先賢已有成說今則不可依循宜令老子尹喜莊  
周同爲傳其韓非可居商君傳未正義本老子莊子  
伯夷居列傳之首正義曰老子莊子開元二十三年  
奉勅并爲列傳首處夷齊上然漢武帝之時佛教未  
興道教已設道則禁惡咸致正理制御邪人未有佛  
教可導故列老莊於申韓之上今旣佛道齊妙興法  
乖流理居列傳之首也蓋唐崇老教謬取老子居列

傳首而與伯夷合爲一卷甚爲無謂夫奔義激世莫先伯夷而老莊法意流爲申韓太史公敘述自有深意豈宜妄爲軒輊今以伯夷傳居首爲一卷次以管晏爲一卷次以老莊申韓爲一卷以復太史公之舊

云

臣照

按升老子于伯夷之上誠爲開元時謬見而

張守節躧之良可嗤笑明監本改依太史公之舊是矣但不著改之者之名不知語出何人今若仍刊卷首後人讀之轉生迷惑是以刪去其小司馬妄議史公老子韓非同傳欲加改竄殊屬無謂亦并刪焉而著之于此



太史公曰余登箕山索隱蓋楊惲東方朔見其文稱余而加太史公曰也○臣照按史家所爲史贊者自東漢後漸有其稱馬遷之時惡有是哉其作伯夷管晏列傳全以議論行文與別傳迥別何獨致疑于太史公曰四字也登箕山而見許由冢者蓋司馬談遷蓋述父語云爾

豈以其重若彼其輕若此哉索隱謂伯夷讓德之重若彼采薇而餓死之輕若此又一解云操行不軌富厚累代是其重若彼公正發憤而遇禍災是其輕若此也正義重謂盜跖等也輕謂夷齊由光等也○顧炎

武曰其重若彼謂人之重富貴也其輕若此謂清士之輕富貴也

史記卷六十一考證

史記卷六十二

漢 太 史 令司馬遷 撰

宋中 郎外兵曹 參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

管晏列傳第二

管仲夷吾者潁上人也

索隱潁水名地理志潁水出陽城漢有潁陽臨潁二縣今有潁

上縣正義韋昭云管仲姬姓之後管嚴之子敬仲也

少時常與鮑叔牙游鮑叔知

其賢管仲貧困常欺鮑叔

索隱呂氏春秋管仲與鮑叔同賈南陽及分財利而管仲

常欺鮑叔多自取鮑叔知其有母不以爲貪

鮑叔終善遇之不以爲言已而

乾隆四年校刊

史記卷六十二 列傳

一

鮑叔事齊公子小白管仲事公子糾及小白立為桓公

公子糾死管仲囚焉鮑叔遂進管仲正義齊世家云鮑叔牙曰君將治齊

則高俟與叔牙足矣君且欲霸王非管夷吾不可夷吾所居國國重不可失也於是桓公從之韋昭云鮑叔齊

大夫姬姓之後鮑叔之子叔牙也 管仲既用任政於齊齊桓公以霸九

合諸侯一匡天下管仲之謀也正義管子云相齊以九惠之教一日老二日慈

三日孤四日疾五日獨六日病七日通八日賑九日絕也 管仲曰吾始困時嘗與鮑

叔賈分財利音古多自與鮑叔不以我為貪知我貧

也吾嘗為鮑叔謀事而更窮困鮑叔不以我為愚知時

有利不利也吾嘗三仕三見逐於君鮑叔不以我為不

肖知我不遭時也吾嘗三戰三走鮑叔不以我為怯知

我有老母也公子糾敗召忽死之吾幽囚受辱鮑叔不以我為無恥知我不羞小節而恥功名不顯於天下也

生我者父母知我者鮑子也鮑叔既進管仲以身下之

子孫世祿於齊有封邑者十餘世索隱世本云莊仲山

武子鳴鳴產桓子啓方啓方產成子孺孺產莊子盧盧

凡十代常為名大夫天下不多管仲之賢而多鮑叔能

知人也正義國語云齊桓公使鮑叔為相辭曰臣之不

若夷吾者五寬和惠民不若也治國家不失其

柄不若也忠惠可結於百姓不若也制禮義可法於四

方不若也執枹鼓立於軍門使百姓皆加勇猛不若也

管仲既任政相齊以區區之齊在海濱正義齊國東濱海也通貨

積財富國疆兵與俗同好惡故其稱曰索隱是夷吾著

其書有此言今倉廩實而知禮節衣食足而知榮辱上

服度則六親固正義上之服御物有制度則六親堅固也六親謂外祖父母一父母二姊妹三

妻兄弟之子四從母之子五女之子六也王弼云父母兄弟妻子也四維不張國乃滅亡

集解管子曰四維者禮義廉恥也下令如流水之原令順民心故論卑

而易行正義言為政令卑下鮮少而百姓易作行也俗之所欲因而予之俗

之所否因而去之其為政也善因禍而為福轉敗而為

功貴輕重慎權衡索隱輕重謂錢也管子有輕重篇也輕重謂恥辱也權衡謂得失也有

恥辱甚貴重之有得失甚戒慎之桓公實怒少姬索隱謂怒蕩舟歸而未絕蔡人嫁之南

襲蔡管仲因而伐楚責包茅不入貢於周室桓公實北

征山戎而管仲因而令燕脩召公之政於柯之會正義今齊

州東桓公欲背曹沫之約索隱沫音妹左傳作曹劇正義沫莫葛反管仲因

而信之正義以劫許之歸魯侵地諸侯由是歸齊故曰知與之為取

政之寶也索隱老子曰將欲取之必固與之是知此為政之所寶也管仲富擬於公

室有三歸反坫正義三歸三姓女也婦人謂嫁曰歸齊人不以為侈管仲

卒齊國遵其政常疆於諸侯正義括地志云管仲冢在青州臨淄縣南二十一里

牛山之阿說苑云齊桓公使管仲治國管仲對曰賤不能臨貴桓公以為上卿而國不治曰何故管仲對曰貧

不能使富桓公賜之齊市租而國不治桓公曰何故對曰疏不能制近桓公立以為仲父齊國大安而遂霸天

下孔子曰管仲之賢而不得此三後百餘年而有晏子權者亦不能使其君南面而稱伯

焉

晏平仲嬰者萊之夷維人也集解駟案劉向別錄曰萊者今東萊地也索隱名嬰

平蓋仲字父桓子名弱也正義晏子齊記云齊城三百里有夷安即晏平仲之邑漢為夷安縣屬高密國應劭云故萊夷維也事齊靈公莊公景公索隱世本及系本靈公名環莊公名光景公名杵曰

以節儉力行重於齊既相齊食不重肉妾不衣帛其在

朝君語及之即危言正義謂已謙讓非云功能語不及之即危行正義

行下孟反謂君不知已增脩業行畏責及也國有道即順命無道即衡命正義

衡秤也謂國無道則制秤量之可行即行以此三世顯名於諸侯越石父賢

在縲紲中正義縲音力追反縲黑索也紲繫也晏子春秋云晏子之晉至中牟觀弊冠反裘負薪息

於途側晏子問曰何者對曰我石父也苟免饑凍為晏人臣僕晏子解左驂贖之載與俱歸案與此文小異

子出遭之塗解左驂贖之載歸弗謝入閨久之越石父

請絕晏子懼然正義懼狀縛反皇覽云晏子冢在臨淄城南菑水南桓公冢西北括地志云齊



桓公墓在青州臨淄縣東南二十三里鼎足上又云齊晏嬰冢在齊子城北門外晏子云吾生近市死豈易吾志乃葬故宅後人名曰清節攝衣冠謝曰嬰雖不仁免里按恐皇覽誤乃管仲冢也

子於厄何子求絕之速也石父曰不然吾聞君子誦於

不知已而信於知已者

索隱信讀曰申周禮皆然申於知已謂以彼知我而我志獲申

方吾在縲繼中彼不知我也夫子旣以感寤而贖我是知已知已而無禮固不如在縲繼之中晏子於是延入爲上客晏子爲齊相出其御之妻從門間而闚其夫其夫爲相御擁大蓋策駟馬意氣揚揚甚自得也旣而歸其妻請去夫問其故妻曰晏子長不滿六尺身相齊國名顯諸侯今者妾觀其出志念深矣常有以自下者今

子長八尺乃為人僕御然子之意自以為足妾是以求去也其後夫自抑損晏子怪而問之御以實對晏子薦以為大夫

太史公曰吾讀管氏牧民山高乘馬輕重九府集解駟案劉向

別錄曰九府書民間無有山高一名形勢索隱皆管仲著書篇名九府蓋錢之府藏其書論鑄錢之輕重故云

輕重九府餘如別錄之說及晏子春秋索隱嬰所著書名晏

七畧云管子十八篇在法家及晏子春秋子春秋今其書有七十篇故下云其書世多有也正義七畧云晏子春秋七篇在儒家詳哉其言

之也既見其著書欲觀其行事故次其傳至其書世多

有之是以不論論其軼事音逸管仲世所謂賢臣然

孔子小之豈以為周道衰微桓公既賢而不勉之至王

乃稱霸哉

正義言管仲世所謂賢臣孔子所以小之者蓋以為周道衰桓公賢主管仲何不勸勉輔

弼至於帝王乃自稱霸主哉故孔子語曰將順其美匡小之云蓋為前疑夫子小管仲為此

救其惡故上下能相親也豈管仲之謂乎

正義言管仲相齊順百姓

之美匡救國家之惡令君臣百姓相親者是管之能也

方晏子伏莊公尸哭之成

禮然後去豈所謂見義不為無勇者邪

索隱左傳崔杼弑莊公晏嬰入

枕莊公尸股而哭之成禮而出崔杼欲殺之是也

至其諫說犯君之顏此所謂

進思盡忠退思補過者哉假令晏子而在余雖為之執

鞭所忻慕焉

索隱太史公之美慕仰企平仲之行假令晏生在世已難與之為僕隸為之執鞭亦

所忻慕其好賢樂善如此賢哉良史可以示人臣之綱戒也

索隱述贊曰夷吾成霸平仲稱賢粟乃實廩豆不掩肩轉禍為福危言獲全孔穎左衽史忻執鞭成禮而

去人望  
存焉

史記卷六十二

史記卷六十二考證

管晏列傳鮑叔旣進管仲以身下之子孫世祿於齊有封邑者十餘世索隱世本云莊仲山產敬仲夷吾夷吾產武子鳴鳴產桓子啓方啓方產成子孺孺產莊子盧盧產悼子其夷其夷產襄子武武產景子耐涉耐涉產微凡十代世譜同○王鏊曰此十餘世是言鮑叔而索隱所注似言管氏不知何故

常爲名大夫天下不多管仲之賢而多鮑叔能知人也正義執枹鼓立於軍門使百姓皆加勇猛不若也○

國語無猛字

慎權衡正義權衡謂得失也○徐孚遠曰權衡鈞石之類蓋與民取平之意正義非也

晏子懼然正義皇覽云晏子冢在臨淄城南菑水南桓公冢西北括地志云齊桓公墓在青州臨淄縣東南二十三里鼎足上又云齊晏嬰冢在齊子城北門外晏子云吾生近市死豈易吾志乃葬故宅後人名曰清節里按恐皇覽誤乃管仲冢也○徐孚遠曰此注雜在越石父事中爲不倫也

史記卷六十二考證

史記卷六十三

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

老莊申韓列傳第三

老子者

正義朱韜玉札及神仙傳云老子楚國苦縣瀨鄉曲仁里人也姓李名耳字伯陽一名重耳外

字聃身長八尺八寸黃色美眉長耳大目廣額踈齒方

口厚唇額有三五達理日角月懸鼻有雙柱耳有三門

足蹈二五手把十文周時人李母八十一而年又玄

妙內篇云李母懷胎八十一載逍遙李樹下迺割左腋

而生又云玄妙玉女夢流星入口而有娠七十二年而

生老子又上元經云李母晝夜見五色珠大如彈丸自

乾隆四年校刊

史記卷六十三 可專

一

天下因吞之即有娠張君相云老子者是號非名老考也子孳也考教眾理達成聖孳乃孳生萬物善化濟物無遺也

**楚苦縣屬鄉曲仁里人也**

集解駟案地理志曰苦縣屬陳國

誤也苦縣本屬陳春秋時楚滅陳而苦又屬楚故云楚苦縣至高帝十一年立淮陽國陳縣苦縣皆屬焉裴氏

所引不明見苦縣在陳縣下因云苦屬陳今檢地理志苦縣實屬淮陽郡苦音怙

三年廢至天漢修史之時楚節王純都彭城相近疑苦此時屬楚國故太史公書之括地志云苦縣在亳州谷

陽縣界有老子宅及廟廟中有九井尚存在今亳州真源縣屬音賴晉太康地記云苦縣城東有瀨鄉祠老子

所生地也**姓李氏名耳字伯陽諡曰聃**索隱按葛立云李氏女所生因母姓也又

云生而指李樹因為姓許慎云聃耳漫也故名耳字聃今作字伯陽非正也然老子號伯陽父此傳不稱

義聃耳漫無輪也神仙傳云外字曰聃按周守藏室之字號也疑老子耳漫無輪故世號曰聃

**史也**索隱按藏室史乃周藏書室之史也又張湯傳老子為柱下史即藏室之柱下因為官名

正義云



藏反浪孔子適周將問禮於老子紫隱大戴老子曰子所

言者其人與骨皆已朽矣獨其言在耳且君子得其時

則駕不得其時則蓬累而行紫隱劉氏云蓬累猶扶持也累音六水反說者云頭

戴物兩手扶之而行謂之蓬累也蓬蓋也累隨也以言

若得明君則駕車服冕不遭時則自覆蓋相携隨而去

也正義蓬沙磧上轉蓬也累轉行貌也言君子得明主

則駕車而事不遭時則若蓬轉流移而行可止則止也

蓬其狀若幡蒿細葉蔓生於沙漠中風吹則

根斷隨風轉移也幡蒿江東呼為斜蒿云

吾聞之良

賈深藏若虛君子盛德容貌若愚紫隱良賈謂善貨賣

隱其寶貨不令人見故云若虛而君子之人身有盛德

其容貌謙退有若愚魯之人然嵇康高士傳亦載此語

文則小異云良賈深藏外形若去子之驕氣與多欲態

虛君子盛德容貌若不足也

色與淫志

正義姿態之容色與淫慾之志皆無益於夫子須去除也

是皆無益於子

乾隆四年校刊

巳巳卷六十三 列專

一一

之身吾所以告子若是而已孔子去謂弟子曰鳥吾知其能飛魚吾知其能游獸吾知其能走走者可以為罔游者可以為綸飛者可以為矰至於龍吾不能知其乘風雲而上天吾今日見老子其猶龍邪老子脩道德其學以自隱無名為務居周久之見周之衰廼遂去至關

關令尹喜曰子將隱矣彊為我著書案隱李尤函谷關銘云尹喜要老子

留作二篇而崔浩以尹喜又為散關令是也正義抱朴子云老子西遊遇關令尹喜於散關為喜著道德經一

卷謂之老子或以為函谷關括地志云散關在岐州陳倉縣東南五十二里函谷關在陝州桃林縣西南十二

里彊其兩反於是老子廼著書上下篇言道德之意五

為于偽反

千餘言而去莫知其所終集韻駟案列仙傳曰關令尹喜者周大夫也善內學星宿

服精華隱德行仁時人莫知老子西游喜先見其氣知  
真人當過候物色而迹之果得老子老子亦知其奇為  
著書與老子俱之流沙之西服具勝實莫知其所終亦  
著書九篇名關令子索隱列仙傳是劉向所記物色而  
迹謂視其氣物有異色而尋迹之又按列異傳老子西  
遊關令尹喜望見其有紫氣浮關而老子果乘青牛而  
過或曰老萊子亦楚人也正義太史公疑老子或是老  
萊子故書之列仙傳云老萊  
子楚人當時世亂逃世耕於蒙山之陽莞葭為牆蓬蒿  
為室杖木為牀著艾為席薤芰為食墾山播種五穀楚  
王至門迎之遂去至於江南而止曰著書十五篇言道  
鳥獸之毛可績而衣其遺粒足食也

家之用與孔子同時云蓋老子百有六十餘歲或言二

百餘歲索隱此前古好事者據外傳以老子生年至孔  
子時故百六十歲或言二百餘歲正義蓋或皆疑辭也世不

史儋為老子故二百餘歲正義蓋或皆疑辭也世不  
知故言蓋及或也玉清云老子以周平王時見衰於是

去孔子世家云孔子問禮於老子在周景王時孔子蓋  
年二十也去平王十二王此傳云儋即老子也秦獻公

乾隆四年校刊  
史記卷六十三 列傳  
二二

與烈王同時去平王二十一王說者不一不可知也故  
葛仙公序云老子體于自然生乎大始之先起乎無因  
經歷天地終始 以其脩道而養壽也自孔子死之後百  
不可稱載也

二十九年 集解徐廣曰實 而史記周太史儋見秦獻公

曰始秦與周合而離離五百歲而復合合七十歲而霸

王者出焉 索隱周秦二本紀並云始周與秦國合合而

與此傳離合相反尋 或曰儋即老子或曰非也世莫知  
其意義亦並不違

其然否老子隱君子也老子之子名宗宗為魏將封於

段干 集解駟案此云封於段干段干應是魏邑名也而

此三人是姓段干也本蓋因邑為姓左傳所謂邑亦如  
之是也風俗通氏姓注云姓段名干木恐或失之矣天

下自別有段姓 宗子注 索隱音鑄 注子宮宮玄孫假  
何必段干木邪 義之樹反

**索隱**音古雅反假仕於漢孝文帝而假之子解為膠西

**正義**作瑕音霞

王邛太傅因家於齊焉世之學老子者則緇儒學索隱後之也

黜黜退一而儒學亦緇老子道不同不相為謀豈謂是邪

李耳無為自化清靜自正索隱太史公因其行事於當

又云此是昔人所評老聃之德故太史公引以記之正義此都結老子之教也言無所造為而自化清淨不撓

而民自歸正也

莊子者蒙人也集解駟案地理志蒙縣屬梁國索隱劉

征記云蒙縣莊周之本邑也名周周嘗為蒙漆園吏正義括地志云

州宛句縣北十七里此云莊周為漆園吏即此按其城古屬蒙縣與梁惠王齊宣王同

時其學無所不闕然其要本歸於老子之言故其著書

乾隆四年校刊

巳巳卷六十三

可專

四

十餘萬言大抵率寓言也

**索隱**大抵猶言大略其書十餘萬言率皆立主客使之相

對語故云偶言又音寓寓寄也故別錄云又作人姓名使相與語是寄辭於其人故莊子有寓言篇

律寓音遇率猶類也寓寄也 **作漁父盜跖胠箠** **索隱**籩猶言開籩音

去劫反 **正義**胠音丘魚反籩音苦類反胠開也籩箱類也此莊子三篇名皆誣毀自古聖君賢臣孔子之徒營

求名譽咸以喪身非抱素任真之道也 **以詆訛孔子之徒** **索隱**詆音邸訛音訛謂詆訛毀

訾孔子也 **以明老子之術畏累虛亢桑子之屬皆空語無事**

**實** **索隱**按莊子畏累虛篇名也即老聃弟子畏累鄒氏畏音於鬼反累音壘劉氏畏音烏罪反累路罪反郭

象云今東萊也亢音庚亢桑子王劭本作庚桑司馬彪云庚桑楚人姓名 **正義**莊子云庚桑楚者老子弟子北

居畏累之山成瑨云山在魯亦云在深州此篇寄庚桑楚以明至人之德衛生之經若槁木無情死灰無心禍

福不至惡有人灾然莊子雜篇庚桑然善屬書離辭 **正義**

楚已下皆空設言語無有實事也

屬音燭離辭猶指事類情用剽剝儒墨剽猶攻擊也

雖當世宿學不能自解免也其言洗洋自恣以適己洗洋音汪羊又音晃養又

作癢正義洋音翔己音紀故自王公大人不能器之楚

威王聞莊周賢顯王三十年使使厚幣迎之許以為

相莊周笑謂楚使者曰千金重利卿相尊位也子獨不

見郊祭之犧牛乎養食之數歲衣以文繡以入太廟當

是之時雖欲為孤豚豈可得乎索隱孤小也特也願為

也豚小豬臨宰時願為孤小豚不可得也子亟去索隱音棘無污我索隱烏故反

我寧遊戲污瀆之中自快索隱污瀆音烏讀無為有國

者所羈終身不仕以快吾志焉正義莊子云莊子釣於濮水之上楚王使大夫

往曰願以境內累莊子持竿不顧曰吾聞楚有神龜死  
二千歲矣巾笥藏之廟堂之上此龜寧無為留骨而貴  
乎寧生曳尾泥中乎大夫曰寧曳尾塗中莊  
子曰往矣吾將曳尾於塗中與此傳不同

申不害者京人也索隱申子名不害按別錄云京今河  
南京縣正義按地志云京縣故城縣

東南二十里故鄭之賤臣學術以干韓昭侯索隱術即  
刑名法術

昭侯用為相內修政教外應諸侯十五年終申子之身

國治兵彊無侵韓者索隱王劭按紀年韓昭侯  
之世兵寇屢交異乎此言申子之

學本於黃老而主刑名著書二篇號曰申子集解駟案  
劉向別錄

曰今民間所有上書二篇中書六篇皆合二篇已過  
太史公所記也正義阮孝緒七略云申子三卷也

韓非者韓之諸公子也正義阮孝緒七略云韓子二十  
卷韓世家云王安五年非使秦

九年虜王喜刑名法術之學集解駟案新序曰申子之  
書言人主當執術無刑因

安韓非亡



循以督責臣下其責深刻故號曰術商鞅所為書號曰法皆曰刑名故號曰刑名法術之書索隱著書三十餘篇號曰而其歸本於黃老索隱劉氏云黃老之法不尚韓子非之論詆駁浮淫法制無私而名實相稱故曰歸於黃老斯未為得其本旨今按韓子書有解老喻老二篇是大抵亦崇黃老之學也非為人口吃正義不能道說而善著書與李斯俱事荀卿正義孫卿子二十二卷名况趙人楚蘭陵令避漢宣帝諱改姓孫也斯自以為不如非非見韓之削弱數以書諫韓王索隱韓王安也韓王不能用於是韓非疾治國不務脩明其法制執勢以御其臣下富國彊兵而以求人任賢反舉浮淫之蠹而加之於功實之上以為儒者用文亂法而俠者以武犯禁寬則寵名譽之人急則用介冑之士正義介甲也今

者所養非所用

索隱言非疾時君以祿養其臣者乃皆安祿養交之臣非勇悍忠梗及折衝禦

侮之 人也 所用非所養

索隱言人主臨事任用並非常所祿養之士故難可盡其死力也 悲

廉直不容於邪枉之臣

索隱又非姦邪諂諛之臣不容廉直之士 觀往者得

失之變

正義韓非見王安不用忠良令國削弱故觀往古有國之君則得失之變異而作韓子二十卷

故作孤憤五蠹內外儲說林說難十餘萬言

索隱此皆非所著書

篇名也孤憤憤孤直不容於時也五蠹蠹政之事有五也內外儲按韓子有內外儲說篇內儲言明君執術以制臣下利之在己故曰內也外儲言明君觀聽臣下之言行以斷其賞罰賞罰在彼故曰外也儲蓄二事所謂明君也說林者廣說諸事其多若林故曰說林也今韓子有說林上下二篇說難者說前人行事與己不同而詰難之故其然韓非知說之難為說難書甚具終死於書有說難篇 秦不能自脫 索隱說音稅難音奴干反言游說之道為難故曰說難其書詞甚高故特載之然此

篇亦與韓子微異煩省小不同劉伯莊亦說難曰凡說

申其意粗釋其微文幽旨故有劉說也

之難非吾知之有以說之難也正義凡說難識情理不當人主之心恐犯逆鱗

說之難知故言非吾知又非吾辯之難能明吾意之難

也正義能分明吾意以說之又非吾敢橫失能盡之難

也亦又未為難也尚非甚難又非吾敢橫失能盡之難

也陳辭發策能盡說情此雖是難尚非難也凡說之難在知所說

孟反又非吾敢有橫失詞理能盡

說已之情此雖是難尚非極難

之心可以吾說當之索隱劉氏云關說之難正在於此

以人臣踈末射尊重之意貴賤隔絕旨趣難知自非高

識莫近幾會故曰說之難也乃須審明人主之意必以

說合其情故云吾說當之也正義前者三說並未為難

凡說之難者正在於此言深辨知前人意可以吾說當

之聞與前人心會所說出於為名高者也而說之以厚

利則見下節而遇卑賤必棄遠矣

索隱謂所說之王中心本出欲立高名者

也說臣乃陳厚利是其見下節也既不會高情故遇卑賤必棄遠矣劉氏云稽古義黃祖述堯舜是為名高也

所說出於厚利者也而說之以名高則見無心而遠事

情必不收矣

索隱亦謂所說之君出意本規厚利而說臣乃陳名高之節則是說者無心遠於我

之事情必不收用也故劉氏曰若秦孝公志於疆國而商鞅說以帝王故怒而不用也

所說實為

厚利而顯為名高者也

索隱韓子實字作陰顯者陽也謂其君實為厚利而詐作欲為

名高之節也

正義前入必欲厚利而說之以名高則陽詐慕名高則陽收其說實疎遠之

收其身而實疏之若說之以厚利則陰用其言而顯棄

其身

索隱謂若下文云鄭武公陰欲伐胡而關其思極論深計雖知說當終遭顯戮也

詐慕名高說之以厚利則陰用說者此之不可不知也

夫事以密成而以泄敗未必其身泄之也而語及其所

匿之事如是者身危正議事多相類語言或說其相類

也正議貴人有過端而說者明言善議以推其惡者則身危

正議人主有過失之端緒而引美周澤未渥也而語極

善之議以推人主之惡則身危正議渥霑濡也人臣事君未滿

知說行而有功則德亡正議周至之恩澤而說事當理事行

有功君不以為正議說不行而有敗則見疑如是者身危正議

正議謂人臣事上其道未合至周之恩未沾渥於下而輒吐

誠極知其道說有功則其德亦亡亡無也韓子作則見

忘然見忘勝於德亡也又若說不行而有敗則見疑如

是者身危是恩意未深輒評時政不為所信更致嫌疑

若下文所云鄰父以牆壞有盜却為見疑即其類也正議

正議說事不行或行有敗壞則必致危殆若此者身危也

夫貴人得計而欲自以為功說者與知焉則身危正議

預人主先得其計已功說者知前發其蹤跡身必危亡彼顯有所出事迺自以為

也故說者與知焉則身危索隱謂人主明有所出事乃

以為間故身危正義人主明所出乃以功而說者與知是則

有所營為說者預知其計而說者身亡危彊之以其所

必不為索隱劉氏云若項羽必欲衣錦東歸而止之以

其所不能已者身危索隱劉氏云若漢景帝夾廢粟太

言後遂下獄也正義彊其兩反人主必不欲有為而故

說者彊令為之入主已營為而說者彊止之者身危故

日與之論大人則以為間已正義間音紀竟反說彼大

乃為刺與之論細人則以為鬻權索隱韓子鬻權作賣

譏間之與之論細人則以為鬻權正義謂薦彼細微之人

音育劉伯莊云論則疑其挾詐賣己之權正義論其所愛

則以為借資正義說人主愛行人主論其所憎則以為

以為借己之資籍也

論其所憎則以為

嘗已正義論說人主所憎惡人徑省其辭則不知而屈

之索隱謂人主意在文華而說者但徑捷省畧其辭汎

濫博文則多而久之索隱謂人主志在簡要而說者務

其多迂誕文而無當正義汎濫浮辭也博聞廣言順事

陳意則曰怯懦而不盡正義懦音乃永久人主疲倦順事

情也慮事廣肆則曰草野而倨侮正義草野猶鄙陋也廣

倨慢此說之難不可不知也凡說之務在知節所說之

所敬而滅其所醜索隱所說謂所說之主也飾其所敬

飾之滅其所醜謂人主有所避諱而彼自知其計則無

醜之遊說者當滅其事端而不言也以其失窮之自勇其斷

乾隆四年校刊

史記卷六十三 列傳

七

則無以其敵怒之索隱謂人主自勇其斷說士無以己意而攻間之是以卑下之謀自敵於

上以致譴怒也正義斷音端亂反劉伯莊云貴人斷甲為是說者以乙破之乙之理難同怒以下敵上也自

多其力則無以其難概之索隱概猶格也劉氏云秦昭王决欲攻趙白起苦說其難

遂己之心拒格君上故致杜郵之繆正義概古代反規異事與同計譽異人與同

行者則以飾之無傷也正義劉伯莊云貴人與甲同計與乙同行者說士陳言無傷甲

乙有與同失者則明飾其無失也索隱按上文言人主規事譽人與人同計

同行今說者之詞不得傷於同計同行之人仍可文飾其類也又若人主與同失者而說者則可明飾其無失也正義人主與甲同失

說者文飾甲之無失索隱拂音佛大大忠無所拂辭索隱忠之人志在匡

君於善君初不從則且退止待君之悅而又幾諫即不拂悟於君也悟言無所擊排索隱謂大

忠說諫之詞本欲歸於安人興化亦無別有所擊射排擯按韓子作擊摩迺後申其辯知焉



此所以親近不疑

**正義**拂悟當為拂忤古字假借耳拂違也忤逆也言太忠之事擬安民與

化事在匡弼君初亦不擊排乃後周澤霑濡君臣道合乃敢辯智說焉此所以親近而不見疑是知盡之難

知盡之難也

**集解**徐廣曰知一作得難一作辭**索隱**謂人臣盡知事上之道難也韓子作得盡之

**正義**言說士知談說之難也為能盡此談說之道得當人主之心君臣相合乃是知盡之難也

得曠

日彌久而周澤既渥

**索隱**謂君臣道合曠日已久誠著於君也君之渥澤周浹於臣魚水

相須鹽梅

相和也 深計而不疑交爭而不罪廼明計利害以致

其功直指是非以飾其身以此相持此說之成也

**正義**夫知

盡之難則君臣道合故得曠日彌久而周澤既渥深計而君不疑與君交爭而不罪而得明計國之利害以致

其功直指是非任爵祿於身以伊尹為庖

**正義**殷本紀云乃為有莘

此君臣相執持此說之成也

氏賸臣負鼎俎以滋百里奚為虜

**正義**晉世家云襲滅虞公及大夫百里以

味說湯致王道是也

乾隆四年校刊

巳巳卷六十三

川專

勝秦穆姬也皆所由干其上也故此二子者皆聖人也猶不

能無役身而涉世如此其汙也正義汙音烏故反庖虜是汙則非能

仕之所設也索隱韓子作能士之所耻也宋有富人天雨牆壞其子

曰不築且有盜其鄰人之父亦云暮而果大亡其財其

家甚知其子而疑鄰人之父正義其子鄰父說皆當矣而切見疑非處知則難乎

昔者鄭武公欲伐胡正義世本云胡歸姓也括地志云胡城在豫州鄆城縣界廼以

其子妻之因問羣臣曰吾欲用兵誰可伐者關其思曰

胡可伐廼戮關其思曰胡兄弟之國也子言伐之何也

胡君聞之以鄭為親己而不備鄭鄭人襲胡取之此二

說者其知皆當矣正義當當浪反然而甚者為戮薄者見疑非

知之難也處知則難矣昔者彌子瑕見愛於衛君衛國之法竊駕君車者罪至刑既而彌子之母病人聞往夜告之彌子矯駕君車而出君聞之而賢之曰孝哉爲母之故而犯刑罪與君游果園彌子食桃而甘不盡而奉君君曰愛我哉忘其口而念我及彌子色衰而愛弛得罪於君君曰是嘗矯駕吾車又嘗食我以其餘桃故彌子之行未變於初也前見賢而後獲罪者愛憎之至變也故有愛於主則知當而加親見憎於主則罪當而加疏故諫說之士不可不察愛憎之主而後說之矣夫龍之爲蟲也

正義龍蟲類也故言龍之爲蟲

可擾狎而騎也然其喉下有

逆鱗徑尺人有嬰之則必殺人人主亦有逆鱗說之者

能無嬰人主之逆鱗則幾矣緊隱幾庶也謂庶幾於善諫說正義說者能不犯人

主逆鱗則庶幾矣人或傳其書至秦秦王見孤憤五蠹之書曰

嗟乎寡人得見此人與之游死不恨矣李斯曰此韓非

之所著書也秦因急攻韓韓王始不用非及急迺遣非

使秦秦王悅之未信用李斯姚賈害之毀之曰韓非韓

之諸公子也今王欲并諸侯非終為韓不為秦此人之

情也今王不用久留而歸之此自遺患也不如以過法

誅之秦王以為然下吏治非李斯使人遺非藥使自殺

韓非欲自陳不得見秦王後悔之使人赦之非已死矣

**渠解**駟案戰國策曰秦王封姚賈千戶以爲上卿韓非短之曰賈梁監門子盜於梁臣於趙而逐取世監門子梁大盜趙逐臣與同社稷之計非所以勵羣臣也王召賈問之賈荅云云迺誅韓非也 申子韓子皆著書傳于後世學者多有余獨悲韓子爲說難而不能自脫耳

太史公曰老子所貴道虛無因應變化於無爲故著書

辭稱微妙難識莊子散道德放論要亦歸之自然申子

卑卑

**集解**駟案自勉勵之意也

施之於名實韓子引繩墨切事情明

是非其極慘礪

**集解**駟案胡革反用法慘急而鞠礪深刻

少恩皆原於道德

之意而老子深遠矣

索隱述贊曰伯陽立教清淨無爲道尊東魯迹竄西  
垂莊蒙栩栩申害卑卑刑名有術說難極知悲彼周

防終亡  
李斯

史記卷六十三

史記卷六十三考證

老莊申韓列傳老子者正義朱韜玉札及神仙傳云○

臣照

按漢武惑于神仙方士並宗老子故司馬遷作

老子傳著其鄉里詳考其子孫以明老子者亦人耳  
非所謂乘雲氣御飛龍不可方物者故一則曰老子  
隱君子也再則曰老子隱君子也良史心苦矣正義  
翻引神仙荒唐謬悠之論以爲史注夏蟲不可語冰  
有如是

合七十歲而霸王者出焉○周本紀封禪書云合十七  
歲秦本紀云七十七歲

史記卷六十三考證



史記卷八十四

漢 太史 合司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

屈原賈生列傳第二十四

屈原者名平楚之同姓也

正義屈景昭皆楚之族王逸云楚王始都是生子瑕受屈

為卿因以為氏為楚懷王左徒

正義蓋今在左

博聞彊志明於

治亂嫺於辭令

集解駟案

入則與王圖議國事以出號

令出則接遇賓客應對諸侯王甚任之上官大夫與之

乾隆四年校刊

巳巳卷八十四

可專

一

同列爭寵而心害其能懷王使屈原造為憲令屈平屬

草藁藁屬音燭草藁謂創制憲令之本未定上官大

夫見而欲奪之正義王逸云屈平不與因讒之曰王使

屈平為令眾莫不知每一令出平伐其功曰以為非我

莫能為也王怒而疏屈平屈平疾王聽之不聰也讒諂

之蔽明也邪曲之害公也方正之不容也故憂愁幽思

而作離騷應劭曰離遭也騷憂也又離騷序云離離別也騷愁也騷音素刀反又一音蕭

騷者猶離憂也夫天者人之始也父母者人之本也人

窮則反本故勞苦倦極未嘗不呼天也疾痛慘怛正義

感反下丁達反未嘗不呼父母也屈平正道直行塞子通

慘毒也怛痛也

反 竭忠盡智以事其君 讒人間之可謂窮矣 信而見疑

忠而被謗 能無怨乎 屈平之作離騷 蓋自怨生也 國風

好色而不淫 小雅怨誹而不亂 誹音 誹音 若離騷者可

謂兼之矣 上稱帝嚳 下道齊桓 中述湯武 以刺世事 明

道德之廣 崇治亂之條 貫靡不畢 見其文約 其辭微 其

志潔 其行廉 其稱文小 而其指極大 舉類邇而見義遠

其志潔 故其稱物芳 其行廉 故死而不容 自疎濯淖汗

泥之中 濯音濁 淖音開 汗音烏 故反 泥音奴 計反 蟬蛻於濁穢 蛻音稅 去皮也

又他 臥反 以浮游塵埃之外 不獲世之滋垢 皜然泥而不滓

者也 集解 徐廣曰 皜 疎靜之貌 皜音 自若反 泥音涅 滓音淄 又並如字 推此志也 雖

乾隆四年校刊

史記卷八十四 荆專

與日月爭光可也

正義言屈平之仕濁世去其汙垢在塵埃之外推此志意雖與日月爭其

光明斯亦可矣

屈平既紉其後秦欲伐齊齊與楚從親

正義從足松反

惠王患之乃令張儀詳去秦厚幣委質事楚曰秦甚憎

齊齊與楚從親楚誠能絕齊秦願獻商於之地六百里

楚懷王貪而信張儀遂絕齊使使如秦受地張儀詐之

曰儀與王約六里不聞六百里楚使怒去歸告懷王懷

王怒大興師伐秦秦發兵擊之大破楚師於丹浙斬首

八萬

索隱丹浙二水名也謂於丹水之北浙水之南皆為縣名在弘農所謂丹陽浙是也

江故

虜楚將屈匄

索隱屈姓匄名音蓋

遂取楚之漢中地

集解徐廣曰楚

懷王十六年張儀來相十七年秦敗屈匄

義梁州懷王乃悉發國中兵以深入

擊秦戰於藍田魏聞之襲楚至鄧索隱鄧在漢水北故鄧侯城楚兵

懼自秦歸而齊竟怒不救楚楚大困明年秦割漢中地

與楚以和楚王曰不願得地願得張儀而甘心焉張儀

聞乃曰以一儀而當漢中地臣請往如楚如楚又因厚

幣用事者臣靳尙而設詭辯於懷王之寵姬鄭袖懷王

竟聽鄭袖復釋去張儀是時屈平既疏不復在位使於

齊顧反諫懷王曰何不殺張儀懷王追悔張儀不及索隱

張儀傳其後諸侯共擊楚大破之殺其將唐昧集解徐

無此語十八年敗唐昧也廣曰二時秦昭王與楚媾欲與懷王會懷王

欲行屈平曰秦虎狼之國不可信不如無行索隱楚世家昭睢有

此言蓋二人同諫王懷王稚子子蘭勸王行柰何絕秦

故彼此各隨錄之也

歡懷王卒行入武關秦伏兵絕其後因留懷王

集解徐廣曰三

十年入秦以求割地懷王怒不聽亡走趙趙不內復之秦竟

死於秦而歸葬長子頃襄王立

名隱以其弟子蘭為令

尹楚人既咎子蘭以勸懷王入秦而不反也屈平既嫉

之雖放流睠顧楚國繫心懷王不忘欲反冀幸君之一

悟俗之一改也其存君興國而欲反覆之一篇之中三

致志焉然終無可柰何故不可以反卒以此見懷王之

終不悟也人君無愚智賢不肖

此已下太史公傷楚懷王之不任賢信讒

而不能反國之論也莫不欲求忠以自為舉賢以自佐然亡國破

家相隨屬而聖君治國累世而不見者其所謂忠者不  
 忠而所謂賢者不賢也懷王以不知忠臣之分故內惑  
 於鄭袖外欺於張儀疏屈平而信上官大夫令尹子蘭  
 兵挫地削亡其六郡身客死於秦為天下笑此不知人  
 之禍也易曰井渫不食集解向秀曰渫者浚治去泥濁  
 也索隱向秀字子期晉人注周  
 易為我心惻集解張璠曰可為惻然傷道未  
 行也索隱張璠亦晉人注周易  
 明並受其福集解駟案易象曰求王明受福也索隱京  
 汲我道而用之天下並受其福故曰王明並受其福也  
 王集解王之不明豈足福哉集解徐廣  
 曰一云不作福正義言楚王不明  
 忠臣豈是受福故屈原懷沙自沉令尹子蘭聞之大怒  
 卒使上官大夫短屈原於頃襄王頃襄王怒而遷之屈

原至於江濱被髮行吟澤畔顏色憔悴形容枯槁漁父

見而問之曰索隱父音甫子非三閭大夫歟集解駟案離騷序曰三閭之職

掌王族三姓曰昭屈原序其譜屬率其賢良以厲國士何故而至此屈原曰舉世

混濁而我獨清衆人皆醉而我獨醒是以見放漁父曰

夫聖人者不凝滯於物而能與世推移舉世混濁何不

隨其流而揚其波索隱楚詞隨其流作措其泥也衆人皆醉何不舖其

糟而啜其醨何故懷瑾握瑜而自令見放為索隱楚詞懷瑾握瑜

作深思高舉也屈原曰吾聞之新沐者必彈冠新浴者必振衣

人又誰能以身之察察集解王逸曰已靜潔受物之汶汶者乎集

王逸曰蒙垢敝索隱汶汶音門門猶昏暗不明也寧赴常流而葬乎江魚腹中



耳索隱常流也猶長流也又安能以皓皓之白而蒙世之溫蠖乎索隱

蠖音烏廓反溫蠖猶僭憤楚詞作蒙世之塵埃哉乃作懷沙之賦索隱楚詞九懷曰懷沙礫

以沉此其辭曰陶陶孟夏兮草木莽莽集解王逸曰陶其義也陶盛陽貌莽莽

盛茂貌索隱莽音姦正義莫古反傷懷求哀兮汨徂南土集解王逸曰汨行貌索隱

方言曰汨謂疾行也謂疾行也眇兮窈窕集解徐廣曰眇眩也索隱孔靜幽墨

山高澤深視之眇野甚清淨歎無人聲集解王逸曰鞠窮紆正義言江南宛結紆軫兮

離慙之長鞠集解王逸曰鞠窮紆正義言江南屈也軫痛也慙病也撫情効志兮俛詘以

自抑矧方以為園兮常度未替集解王逸曰矧削度法替廢也言人矧削方未

欲以為圓其常法度尙未廢也索隱列音五官反易初本由兮君子所鄙集解王逸曰

曰由道也正義本常也鄙取也言人遭世不道變易初行違離常道君子所鄙章畫職墨兮前

乾隆四年校刊

巳巳八十九 司專

五

度未改

集解王逸曰章明也度法也言上明於所畫念其繩墨修前人之法不易其道則曲木直而惡

木好志念也餘如注所解

內直質重兮大人所盛

王逸曰言人質性敦厚心志正直

巧匠不斷兮孰察其

揆正立文幽處兮矇謂之不章

集解王逸曰立黑也矇盲者也詩云矇矇奏公

也章明離婁微睇兮瞽以為無明

集解王逸曰離婁古明視者也瞽盲也

田帝反 變白而為黑兮倒上以為下

音戶下鳳凰在笈

兮雞雉翔舞

集解徐廣曰笈一作郊駟案王逸曰笈籠落也

蘿之相籠絡也楚詞雉作鶩正義應瑞圖云黃帝問天

老曰鳳鳥何如天老曰鴻前而鱗後蛇頸而魚尾龍文而龜身燕頤而雞喙首戴德頸揭義背負仁心入信翼

舉 同糅玉石兮一槩而相量

集解王逸曰夫黨人之鄙忠俊不異

妬兮羌不知吾所臧

集解王逸曰莫昭我之善意索隱按王叔師云羌楚人語辭言卿何

為也正義

任重載盛兮陷滯而不濟

集解王逸曰言已才力盛壯可任用

重載而身陷沒沉滯

懷瑾握瑜兮窮不得余所示

集解王逸

日示

邑犬羣吠兮吠所怪也誹俊疑桀兮固庸態也

集解

王逸曰千人才為俊一國高為桀庸廝賤之人也索隱

庸人之文質疎內兮衆不知吾之異采

集解徐廣曰異一作奧駟案王

逸曰采材樸委積兮莫知余之所有重仁襲義兮謹厚

以為豐

集解王逸曰重累也襲及也

重華不可悟兮孰知余之從容

集解王逸曰悟逢也

古固有不並兮豈知其故也

楚詞悟作選並吾故反

湯禹久遠兮邈不可慕也懲違改忿兮抑

莫知其何故

乾隆四年校刊

巳巳卷八下四

川壽

心而自彊離滑而不遷兮願志之有象集解王逸曰象法也進路

北次兮正義北次將就日昧昧其將暮合憂虞哀兮限之以大

故集解王逸曰娛樂也大故謂死亡也亂日索隱楚

王叔師云亂者理也所以發理辭指總撮其要而重理前意也浩浩沅湘兮索隱二水

湘水出零陵海陽山北入江沅即湘之後流也正義說

文云沅水出牂牁東北流入江湘水出零陵縣海山北

至入江按二水皆經岳州而入大江也集解王逸曰汨流也脩路幽拂兮

索隱楚詞道遠忽兮會陰恒悲兮永歎慨兮世既莫吾

知兮人心不可謂兮集解王逸曰謂猶說也懷情

抱質兮獨無匹兮伯樂既歿兮驥將焉程兮集解王逸曰程量也

人生有命兮各有所錯兮集解王逸曰錯安也定心廣志餘何畏

懼兮索隱楚詞餘並作余會傷爰哀永嘆喟兮集解王逸曰喟息也世溷不

吾知心不可謂兮知死不可讓兮願勿愛兮明以告君

子兮吾將以為類兮集解王逸曰類法也正義按類例也以為忠臣不事亂君之例於

是懷石遂自投汨羅以死集解應劭曰汨水在羅故曰汨羅也索隱地理志長沙有

羅縣羅子之所徙荆州記羅縣北六十里春秋時羅子國秦羅縣城在岳州相陰縣東北

置長沙郡而為縣也按縣北有汨水及屈原廟續齊諧記云屈原以五月五日投汨羅而死楚人哀之每於此

日以竹筒貯米投水祭之漢建武中長沙區回白日忽見一人自稱三閭大夫謂回曰聞君常見祭甚善但常

年所遺並為蛟龍所竊今若有惠可以練榆葉塞上以五色絲轉縛之此物蛟龍所憚回依其言世人五月五

日作糉并帶五色絲及練葉皆汨羅之遺風 屈原既死之後楚有宋玉唐勒

景差之徒者集解徐廣曰差或作慶索隱揚子法言及漢書古今人表皆是景差今作差是字省

耳以徐裴鄒三家皆無音是如字讀也

皆好辭而以賦見稱然皆祖屈原

之從容辭令終莫敢直諫其後楚日以削數十年竟為

秦所滅自屈原沈汨羅後百有餘年漢有賈生為長沙

王太傅過湘水投書以弔屈原

賈生名誼雒陽人也年十八以能誦詩屬書聞於郡中

吳廷尉為河南守聞其秀才

正義顏云秀美也應劭云避光武諱改茂才也

召

置門下甚幸愛孝文皇帝初立聞河南守吳公

索隱吳姓史失

名故稱公

治平為天下第一故與李斯同邑而常學事焉乃

徵為廷尉廷尉乃言賈生年少頗通諸子百家之書文

帝召以為博士是時賈生年二十餘最為少每詔令議

下諸老先生不能言賈生盡爲之對人人各如其意所欲出諸生於是乃以爲能不及也孝文帝說之超遷一歲中至大中大夫賈生以爲漢興至孝文二十餘年天下和洽而固當改正朔易服色法制度定官名興禮樂乃悉草具其事儀法色尙黃數用五

正義漢文帝時黃龍見成紀故改爲

土也爲官名悉更秦之法孝文帝初卽位謙讓未遑也諸

律令所更定及列侯悉就國其說皆自賈生發之於是天子議以爲賈生任公卿之位絳灌東陽侯馮敬之屬盡害之

正義絳灌周勃灌嬰也東陽侯張相如馮敬時爲御史大夫

乃短賈生曰雒

陽之人年少初學專欲擅權紛亂諸事於是天子後亦

疏之不用其議乃以賈生為長沙王太傅

索隱 誼為傳 是吳芮之玄

孫差襲長沙王之時也非景帝之子長沙王發也 賈生 荆州記長沙城西北隅有賈誼祠及誼坐石床在

既辭往行聞長沙卑溼自以壽不得長又以適去

集解 徐廣

曰適竹革反韋昭曰謫譴也 索隱 字林云適音丈厄反

意不自得及度湘水為賦

以弔屈原其辭曰共承嘉惠兮

集解 張晏 曰共敬也

俟罪長沙側

聞屈原兮自沉汨羅造託湘流兮敬弔先生

索隱 造音 七到反

遭世罔極兮乃隕厥身嗚呼哀哉逢時不祥鸞鳳伏竄

兮鷗臯翱翔

索隱 竄音 七外反

闕茸尊顯兮讒諛得志

索隱 闕 音天騰

反茸音而隴反胡廣云闕茸不才之人無六翮 翱翔之用而反尊顯字林云闕茸不肖之人也

賢聖逆

曳兮方正倒植

索隱 胡廣云逆曳不得順而行 也倒植賢不肖顛倒而易位也

世謂伯



夷貪兮謂盜跖廉索隱漢書作隨夷溷兮跖躄廉一句

莊躄也莫邪為頓兮集解駟案莫邪吳大夫也作寶劍因

吳越春秋曰吳王使干將造劍二枚一曰干

將一曰莫邪莫邪干將劍名也頓讀為鈍

利集解徐廣曰思廉反駟案漢書音義曰鉞謂

兮生之無故集解應劭曰璽璽不自

康瓠集解如淳曰幹轉也爾雅曰康瓠謂之瓠大瓠也

幹音烏活反瓠音五列反騰駕罷牛兮驂蹇驢正義罷

李巡云康謂大瓠瓠也

驥垂兩耳兮服鹽車索隱戰國策曰夫驥服鹽車上太

車哭之也章甫薦屨兮集解應劭曰

漸不可久集解駟案劉

以自諭嗟苦先生兮獨離此咎集解應劭曰嗟咨嗟苦

乾隆四年校刊

史記卷八十四 可專

七

訊曰

**集解**李奇曰訊告也張晏曰訊離騷下章亂辭也

**索隱**訊音信劉伯莊音素對反訊猶宣也重宣其

意周成解已矣國其莫我知獨堙鬱兮

**索隱**漢書作

其

誰語鳳漂漂其高遶兮

**索隱**遶音逝

夫固自縮而遠去襲九

淵之神龍兮

**集解**鄧展曰襲重也或曰襲覆也猶言察也

而驪龍領下故云

九淵之神龍也

泐深潛日自珍

燐

**集解**徐廣曰一云佢蠖蠖**正義**顧野王云彌遠也融

以隱處兮

**集解**徐廣曰一本云彌竭燐以隱處也

應劭云佢背也蠖蠖水蟲害魚者以言背惡

夫豈從螿

與蛭螿

**集解**駟案漢書螿字作蝦韋昭曰蝦蟆也蛭

絕於蠖蠖况從蝦與螿也蛭音質漢書作蝦言佢然

**正義**言寧投水合神龍豈陸葬從螿與蛭螿所貴聖人

之神德兮遠濁世而自藏使騏驥可得係羈兮豈云異

夫犬羊正義使騏驥可得係縛羈絆則與犬羊無異賁屈原不去濁世以藏隱其文也騏千里馬般

紛紛其離此尤兮集解蘇林曰般音盤孟康曰般音班或曰般桓不去紛紛構讒意也索隱

尤謂怨亦夫子之辜也索隱漢書辜作故夫子謂屈原咎也亦夫子之辜也索隱漢書辜作故夫子謂屈原

逝之故罹此咎也瞻九州而相君兮索隱瞻音丑知反謂歷觀也漢書作歷九州

必懷此都也鳳皇翔于千仞之上兮覽德輝而下之索隱

言鳳凰翔見人君有德乃下見細德之險微兮搖增翮

故禮曰德輝動乎內是也逝而去之正義搖動也增加也言見細

集解徐廣曰一逝而去之正義人又有險難微起則合

云遙增擊也彼尋常之汙瀆兮集解應劭曰八尺曰尋倍尋曰常索隱汙瀆也

加動羽翮遠豈能容吞舟之魚橫江湖之鱣鱣兮集解如淳曰大魚也索隱

乾隆四年校刊

巳巳卷八十四

川專

上

鱣魚無鱗口近腹下固將制於螻蟻索隱莊子云庚桑楚謂弟子曰吞舟之魚蕩而失水則螻蟻能苦之戰國策齊人說靖郭君亦同案以喻小國暗主不容忠臣而為讒賊小臣之所見害也賈生

為長沙王太傅正義漢文帝年表云吳芮之玄孫差襲長沙王也傳為長沙靖王差之二年也

括地志云吳芮故城在潭州長沙縣東南三百里賈誼宅在縣南三十步湘水記云誼宅中有一井誼所穿極小而深上飲下大其狀如壺傍有一扁脚石床容一人坐形流古制相承云誼所坐

三年有鴉飛入賈生舍上於坐隅楚人命鴉曰服集解晉灼曰異物色土俗因形名之曰服不能遠飛行不出域索隱鄧展云似鵲而大荆州記云巫縣有鳥如雌雞其雄為鴉楚人謂之服吳錄云服賈生既以適居長沙長沙卑溼自

以為壽不得長傷悼之乃為賦以自廣索隱姚氏云廣猶寬也其辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

辭曰單闕之歲兮集解徐廣曰歲在卯日單闕文帝六年歲在丁卯索隱單闕起也陽氣推

萬物而起故曰單闕孫炎作  
蟬蟬猶伸也正義闕烏葛反四月孟夏庚子日施兮服

集予舍集解徐廣曰施亦作斜止于坐隅貌甚

閒暇異物來集兮私怪其故發書占之兮策言其度索隱

漢書作讖說文云讖驗言也此作策蓋曰野鳥入處兮

主人將去請問于服兮索隱于於也漢書作予予去何

之吉乎告我凶言其菑淹數之度兮語予其期集解徐

速也服乃歎息舉首奮翼口不能言請對以臆正義協萬

物變化兮固無休息幹流而遷兮或推而還索隱幹音

也形氣轉續兮化變而嬗集解服虔曰嬗音如蟬反變

韋昭云而如也如蟬之蛻化也泐穆無窮兮胡可勝言

蘇林云嬗音蟬謂其相傳之也

**索隱**漢書無窮作無間。泐音密。又音昧。泐音勿。穆深微貌。以言其理深微不可盡言也。**正義**泐音勿。禍兮福

**所倚****正義**倚於福兮禍所伏。**索隱**此老子之言。然禍字

身也。以言禍福遞來猶如伏立也。**憂喜聚門兮吉凶同域****正義**言禍福

定彼吳疆大兮夫差呂敗越棲會稽兮句踐霸世斯游

**遂成兮卒被五刑****集解**韋昭曰斯李斯也。傅說胥靡兮**集解**徐廣

**索隱**晉灼云胥相也。靡隨也。古者相隨坐輕刑之名。墨

靖書云猗氏十里河西岸吳坂。乃相武丁夫禍之與福

下便得隱穴是說所潛身處也。**兮何異糾纏****集解**應劭曰禍福相為表裏如糾纏繩索

云纏徽也。又通俗文云合繩曰糾。命不可說兮孰知其

字林云纏三合繩也。音墨糾音九。極水激則旱兮矢激則遠**索隱**此淮南子及鷓冠子文

也。彼作木激則旱而呂氏春

秋作疾以言水激則去疾不能浸潤矢激疾則去遠也  
說文云旱與悍同音言水矢流飛本以無礙為通利今  
遇有物觸之則激怒更勁疾而遠悍  
猶人或因禍致福倚伏而無常也  
萬物回薄兮振蕩

相轉雲蒸雨降兮錯繆相紛大專槃物兮

如淳曰陶者作器於鈞上此以造化為大鈞

云大鈞播物此專讀曰鈞槃猶轉也與播義同虞喜志

林云大鈞造化之神鈞陶萬物品授羣形者也案上鄒

陽傳注云陶家名模下圓轉者為鈞言其能制器大小

以之 塊軋無垠

集解應劭曰其氣塊軋非有限齊也塊

比天 齊畔也說文云垠圻也郭璞注方言云塊軋者不利也

王逸注楚詞云塊軋霧氣味也 道不可與謀遲數有命兮惡

反天不可與慮兮

音預 道不可與謀遲數有命兮惡

識其時且夫天地為爐兮造化為工

莊子文 陰陽為炭

兮萬物為銅

以陰陽為炭萬物為銅也 合散消息兮安

乾隆四年校刊

巳巳卷八十四

可專

七二

有常則

聚也莊子云人之生也氣之聚則為生散則為死

千變萬化兮未始

有極

萬化而未始有極莊子云人者

忽然為人兮何足控搏

淳曰控

引也控搏玩弄愛生之意也然為人言此生甚輕耳何足引物控揣揣音初委反又音丁果反揣者量也故晉灼云或量度已年命之長短而愛惜之也化為異物兮又何足

患

索隱謂死而形化為鬼是為異物也患協韻音環

小知自私兮賤彼貴我

索隱

莊子云以物觀之自貴而相賤也

通人大觀兮物無不可

索隱莊子物

固有所可無物不然無物不可

貪夫徇財兮列士徇名

營也應劭曰以身

從物曰殉此語亦出莊子

夸者死權兮

死於權利應劭曰夸毗也好榮

子曰權勢不尤則夸者不悲也權利是言貪勢以自矜夸者至死不休也尤甚也言勢

言好夸毗者死於

不甚用則夸毗者可悲也

品庶馮生

孟康曰馮貪也作每生音謀在反服虔云每念



生也。鄒誕本亦作每言唯念生而已。今此作馮馮亦持念之意也。然案方言每字合從手旁音謀改反。正義馮

音慄迫之徒兮或趨西東。集解孟康曰慄為利所誘。慄

慄漢書亦有作私東應劭曰仕諸侯為私時天子居長

安諸王悉在關東小人慄然內迫私家樂仕諸侯故云

慄迫私東也。李奇曰私多作西者言大人不曲兮億變

東西趨利也。慄音黥又慄者誘也。大人不曲兮億變

齊同。靈府弘曠故名大人。拘士繫俗兮攔如囚拘。集

徐廣曰攔音華板反又音琬。說文至人遺物兮獨

與道俱。索隱莊子云古之至人先存諸已後存諸人

或或兮好惡積意。集解李奇曰或或東西也。所好所惡

之於心意也。正義真人恬漠兮獨與道息。索隱莊子云

按意合韻音憶。知悅生不知惡死不以心損死不以入助天。呂氏春

秋曰精氣日新斜氣盡去反其天年謂之真人也。釋

乾隆四年校刊

已巳卷八十四

引事

七三

知遺形兮超然自喪

集解服虔曰絕聖棄知而忘其身也索隱遺形者形故可使如槁木

也自喪者心若死灰也莊周云今者吾喪我汝知之乎

寥廓忽荒兮與道翱翔乘

流則逝兮得坻則止

集解徐廣曰坻一作坎駟案張晏曰坻水中小洲也索隱漢書坻作

坎周易坎九二坎有險言君子見險則止

縱軀委命兮不私與已其生若浮

兮其死若休

索隱莊子云勞我以生休我以死也

澹乎若深淵之靜汜兮

若不繫之舟

索隱出莊子

不以生故自寶兮養空而游

集解駟案

漢書音義曰如舟之空也索隱鄧展云自寶自貴也德養空而游言體道之人但養空性而心若浮舟也

人無累兮知命不憂

索隱德人謂上德之人心細故憊中無物累是得道之士也

削兮何足以疑

集解韋昭曰憊音士介反索隱削音介漢書作芥張揖云憊介鯁刺也以言細

微事不足憊介我心故於此云何足以疑之者也正義憊忍邁反削如邁反

後歲餘賈生徵

見孝文帝方受釐

集解徐廣曰祭祀福胙也駟案如淳曰漢唯祭天地五時皇帝不自行祠

還致福釐音僖

坐宣室

集解蘇林曰未央前正室索隱三輔故事云宣室在未央殿北應劭云釐祭餘

肉也上因感鬼神事而問鬼神之本賈生因具道所以然

之狀至夜半文帝前席既罷曰吾久不見賈生自以為

過之今不及也居頃之拜賈生為梁懷王大傅

索隱梁懷王名

揖文

帝子梁懷王文帝之少子愛而好書故令賈生傅之文

帝復封淮南厲王子四人皆為列侯賈生諫以為患之

興自此起矣賈生數上疏言諸侯或連數郡非古之制

可稍削之文帝不聽居數年懷王騎墮馬而死

集解徐廣曰文

帝十一年無後賈生自傷為傅無狀哭泣歲餘亦死賈生之

乾隆四年校刊

史記卷八十四 列傳

七

死時年三十三矣及孝文崩孝武皇帝立舉賈生之孫  
二人至郡守而賈嘉最好學世其家與余通書至孝昭  
時列為九卿

太史公曰余讀離騷天問招魂哀郢悲其志適長沙觀

屈原所自沈淵索隱荆州記云長沙羅縣北帶汨水去  
縣四十里是原自沈處北岸有廟也

未嘗不垂涕想見其為人及見賈生弔之又怪屈原以

彼其材游諸侯何國不容而自令若是讀服鳥賦同生

死輕去就又爽然自失矣集解徐廣曰  
爽一本作爽

索隱述贊曰屈平行正以事懷王瑾瑜比潔日月爭  
光忠而見放讒者益章賦騷見志懷沙自傷百年之

後空悲  
弔湘

乾隆四年校刊

巳巳辰八十月  
旬專

七五

史記卷八十四

史記卷八十四考證

屈原賈生列傳幹流而遷兮○顧炎武曰賈生傳幹棄  
周鼎兮而寶康瓠應劭曰幹音筦筦轉也幹流而遷  
兮或推而還索隱曰幹音烏活反幹轉也義同而音  
異今說文云幹蠡柄也从斗軌聲揚雄杜林說皆以  
爲輶車輪幹烏括切按軌字古案切說文旣云軌聲  
則不得爲烏括切矣顏師古匡謬正俗云聲類字林  
並音管賈誼服鳥賦云幹流而遷張華勵志詩云大  
儀幹運皆爲轉也楚辭云筦維焉繫此義與幹同字  
卽爲筦故知幹筦二音不殊近代流俗音烏括切非

也漢書食貨志浮食奇民欲擅幹山海之貨師古曰  
幹謂主領也讀與筦同

及孝文崩孝武皇帝立舉賈生之孫二人至郡守而賈  
嘉最好學世其家與余通書至孝昭時列爲九卿○  
凌稚隆曰按馬遷卒於漢武末年此言賈嘉至孝昭  
時列爲九卿此句蓋後人所增

史記卷八十四考證



史記卷一百二十一

漢 太 史 令司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

儒林列傳第六十一

正義姚承云儒謂博士為儒雅之林綜理古文宣明舊藝成勸儒者以成王化者也

太史公曰余讀功令索隱案謂學者課功著之於令即今之學令是也 至於廣

厲學官之路未嘗不廢書而歎也曰嗟乎夫周室衰而

關雎作幽厲微而禮樂壞諸侯恣行政由疆國故孔子

閔王路廢而邪道興於是論次詩書修起禮樂適齊聞

韶三月不知肉味自衛返魯然後樂正雅頌各得其所

正義鄭玄云魯哀公十一年是時道衰樂廢孔子還修正之故雅頌各得其所也世以混濁莫

能用是以仲尼干七十餘君無所遇索隱後之記者失辭也案家語等說

則孔子歷聘諸國莫能用謂周鄭齊宋曹衛陳楚杞莒匡等爾縱歷小國亦無七十餘君也曰苟有

用我者期月而已矣西狩獲麟曰吾道窮矣故因史記

作春秋以寓王法其辭微而指博後世學者多錄焉集解

徐廣曰錄一作繆自孔子卒後七十子之徒散游諸侯大者為

師傅卿相索隱案子夏為魏文侯師子貢為齊魯聘吳越蓋亦卿也而宰予亦仕齊為卿餘則未聞

小者友教士大夫或隱而不見故子路居衛集解駟案仲尼弟子

列傳子路死於衛正義今子張居陳陳州澹臺子羽居楚義

今蘇州城南五里有澹臺湖湖北有澹臺正義今子夏居西河汾州子貢終於齊

青州如田子方段干木吳起禽滑釐之屬皆受業於

子夏之倫為王者師是時獨魏文侯好學後陵遲以至

于始皇天下竝爭於戰國儒術既絀焉然齊魯之門學

者獨不廢也於威宣之際孟子荀卿之列咸遵夫子之

業而潤色之以學顯於當世及至秦之季世焚詩書阮

術士正義顏云今新豐縣溫陽之處號愍儒鄉溫陽西

儒處也衛宏詔定古文尚書序云秦既焚書恐天下不

從所改更法而諸生到者拜為郎前後七百人乃密種

瓜於驪山陵谷中溫處瓜實成詔博士諸生說之人言

乾隆四年校刊

史記卷一百一十一

列傳

二

因發機從上填之以六藝從此缺焉陳涉之王也而魯

諸儒持孔氏之禮器往歸陳王於是孔甲為陳涉博士

集解徐廣曰孔子八世孫名緡字甲也卒與涉俱死陳涉起匹夫驅瓦合

適戍索隱適音丁革反旬月以王楚不滿半歲竟滅亡其事至

微淺然而縉紳先生之徒負孔子禮器往委質為臣者

何也以秦焚其業積怨而發憤于陳王也及高皇帝誅

項籍舉兵圍魯魯中諸儒尚講誦習禮樂弦歌之音不

絕豈非聖人之遺化好禮樂之國哉故孔子在陳曰歸

與歸與吾黨之小子狂簡斐然成章不知所以裁之夫

齊魯之間於文學自古以來其天性也故漢興然後諸

儒始得修其經藝講習大射鄉飲之禮叔孫通作漢禮

儀因為太常諸生弟子共定者咸為選首於是喟然歎

興於學然尚有干戈平定四海正義顏云陳豨盧縮韓

征討也亦未暇遑庠序之事也孝惠呂后時公卿皆武力

有功之臣孝文時頗徵用正義言孝文稍用文學之士居位然孝文帝

本好刑名之言及至孝景不任儒者而竇太后又好黃

老之術故諸博士具官待問未有進者及今上即位趙

綰王臧之屬明儒學而上亦鄉之於是招方正賢良文

學之士自是之後言詩於魯則申培公集解徐廣曰一作陪韋昭曰培

申公名音扶尤反於齊則轅固生正義申轅姓培固

隱鄒氏音普來反名公生其處號也

乾隆四年校刊

已巳卷二百三十一

列傳

三二

於燕則韓太傅

索隱韓嬰也為常山王太傅

言尚書自濟南伏生

索隱

按張華云名勝紀年云字子賤

言禮自魯高堂生

索隱謝承云秦氏季代有魯人高堂伯則

伯是其字云生者自漢已來儒者皆號生亦先生者省字呼之耳

言易自菑川田生言

春秋於齊魯自胡母生

索隱母音無胡母姓也字子都

於趙自董仲舒

及竇太后崩武安侯田蚡為丞相絀黃老刑名百家之

言延文學儒者數百人而公孫弘以春秋白衣為天子

三公

集解徐廣曰一云自齊為天子三公

封以平津侯天下之學士靡然

鄉風矣公孫弘為學官悼道之鬱滯乃請曰丞相御史

言

正義自此已下皆弘奏請之辭

制曰蓋聞導民以禮風之以樂婚姻

者居室之大倫也今禮廢樂崩朕甚愍焉故詳延天下

方正博聞之士咸登諸朝其令禮官勸學講議洽聞興

禮以為天下先太常議與博士弟子崇鄉里之化以廣

賢材焉謹與太常臧集解駟案漢書百官表孔臧也博士平等議曰聞

三代之道鄉里有教夏曰校正義校教也殷曰序正義

也言舒禮教周曰庠正義庠詳也言詳審經典其勸善也顯之朝廷其懲

惡也加之刑罰故教化之行也建首善自京師始由內

及外今陛下昭至德開大明配天地本人倫勸學修禮

崇化厲賢以風四方太平之原也古者政教未洽不備

其禮請因舊官而興焉為博士官置弟子五十人復其

身太常擇民年十八已上儀狀端正者補博士弟子郡

乾隆四年校刊

史記卷一百三十一 刑專

國縣道邑有好文學敬長上肅政教順鄉里出入不悖

所聞者令相長丞上屬所二千石

際隱上音時雨反屬音燭屬委也所二千

石謂於所部之郡守相也

二千石謹察可者當與計偕

際隱計計吏也偕俱也謂

令與計吏俱詣太常也

詣太常得受業如弟子一歲皆輒試能通

一藝以上補文學掌故缺其高第可以為郎中者太常

籍奏即有秀才異等輒以名聞其不事學若下材及不

能通一藝輒罷之而請諸不稱者罰臣謹案詔書律令

下者明天人分際通古今之義文章爾雅訓辭深厚

謂詔書文章雅正訓辭深厚也

恩施甚美小吏淺聞不能究宣無以明

布諭下治禮次治掌故

集解徐廣曰一云次治禮學掌故

以文學禮義



為官遷留滯請選擇其秩比二百石以上及吏百石通

一藝以上補左右內史

正義案左右內史後改為左馮翊右扶風

大行卒史

比百石已下補郡太守卒史皆各二人邊郡一人先用

誦多者若不足乃擇掌故補中二千石屬文學掌故補

郡屬

案如淳云漢儀弟子射策甲科百人補郎中乙科二百人補太子舍人皆秩比二百石次郡國文

學秩百石也

備員請著功令佗如律令制曰可自此以來則

公卿大夫士吏斌斌多文學之士矣

申公者魯人也高祖過魯申公以弟子從師入見高祖

于魯南宮

案漢書云申公少與楚元王俱事齊人浮丘伯受詩 正義括地志泮宮在兗州曲阜

縣西南二百里魯城內宮之內鄭云泮之言半也其制半於天子之壁雍

呂太后時申公游

乾隆四年校刊

史已卷三十一

列傳

五

學長安與劉郢同師

案漢書云呂太后時浮丘伯在長安申公與元王子郢俱卒學

也郢即郢客

已而郢為楚王令申公傳其太子戊

徐廣曰楚元王

劉交以文帝元年薨子夷王郢立四歲薨子戊立郢以呂后二年封上邽侯文帝元年立為楚王

戊不

好學疾申公及王郢卒戊立為楚王胥靡申公

徐廣曰腐

刑申公耻之歸魯退居家教終身不出門復謝絕賓客

獨王命召之乃往

徐廣曰魯恭王也

弟子自遠方至受業者

百餘人申公獨以詩經為訓以教無傳疑疑者則闕不

傳

謂申公不作詩傳但教授有疑則闕耳

蘭陵王臧既受詩以事孝景

帝為太子少傅免去今上初即位臧乃上書宿衛上累

遷一歲中為郎中令及代趙綰亦嘗受詩申公綰為御

史大夫縮臧請天子欲立明堂以朝諸侯不能就其事

乃言師申公於是天子使使束帛加璧安車駟馬迎申

公弟子二人乘軺傳從集解徐廣曰馬車至見天子天子問治

亂之事申公時已八十餘老對曰為治者不在多言顧

力行何如耳是時天子方好文詞見申公對默然然已

招致則以為太中大夫舍魯邸議明堂事太皇竇太后

好老子言不說儒術得趙縮王臧之過以讓上上因廢

明堂事盡下趙縮王臧吏後皆自殺申公亦疾免以歸

數年卒弟子為博士者十餘人孔安國至臨淮太守集解

徐廣曰孔鮒之弟子襄為惠帝博士遷為長沙太守周霸

傅生忠忠生武及安國安國為博士臨淮太守

乾隆四年校刊

巳巳卷三十一 列傳

七、一

至膠西內史夏寬至城陽內史碭魯賜至東海太守蘭

陵繆生至長沙內史

繆音亡救反繆氏出蘭陵一音穆所謂穆生為楚元王所禮也

徐偃為膠西中尉鄒人闕門慶忌

集解駟案漢書音義曰姓闕門名慶忌

為膠東內史其治官民皆有廉節稱其好學學官弟子行雖不備而至於大夫郎中掌故以百數言詩雖殊多

本於申公

清河王太傅轅固生者齊人也以治詩孝景時為博士

與黃生爭論景帝前黃生曰湯武非受命乃弑也轅固

生曰不然夫桀紂虐亂天下之心皆歸湯武湯武與天

下之心而誅桀紂桀紂之民不為之使而歸湯武湯武

不得已而立非受命爲何黃生曰冠雖敝必加於首履  
 雖新必關於足何者上下之分也今桀紂雖失道然君  
 上也湯武雖聖臣下也夫主有失行臣下不能正言匡  
 過以尊天子反因過而誅之代立踐南面非弑而何也  
 轅固生曰必若所云是高帝代秦卽天子之位非邪於  
 是景帝曰食肉不食馬肝正義論衡云氣熱而毒盛故食馬肝殺人又盛夏馬行多渴死殺氣爲毒也不爲不知味言學者無言湯武受命不爲愚  
 遂罷是後學者莫敢明受命放殺者竇太后好老子書  
 召轅固生問老子書固曰此是家人言耳案隱服虔云如家人言也  
案老子道德篇雖微妙難通然近而觀之理國理身而已故言此家人之言也太后怒曰安得

司空城旦書乎集解徐廣曰司空主刑徒之官也駟案漢書音義曰道家以儒法為急比之於

律乃使固入圈刺豕景帝知太后怒而固直言無罪乃

假固利兵下圈刺豕正中其心一刺豕應手而倒太后

默然無以復罪罷之居頃之景帝以固為廉直拜為清

河王太傅集解徐廣曰哀王乘也久之病免今上初即位復以賢

良徵固諸諛儒多疾毀固曰固老罷歸之時固已九十

餘矣固之徵也薛人公孫弘亦徵集解徐廣曰薛縣在菑川側目而

視固固曰公孫子務正學以言無曲學以阿世自是之

後齊言詩皆本轅固生也諸齊人以詩顯貴皆固之弟

子也

韓生者

集解駟案漢書曰名嬰

燕人也孝文帝時為博士景帝時

為常山王太傅

集解徐廣曰憲王舜也

韓生推詩之意而為內外

傳數萬言其語頗與齊魯間殊然其歸一也淮南賁生

受之

索隱賁音肥

自是之後而燕趙間言詩者由韓生韓生

孫商為今上博士

伏生者

集解張晏曰伏生名勝伏氏碑云

濟南人也故為秦博士孝文

帝時欲求能治尚書者天下無有乃聞伏生能治欲召

之是時伏生年九十餘老不能行於是乃詔太常使掌

故朝錯往受之秦時焚書伏生壁藏之其後兵大起流

亡漢定伏生求其書亡數十篇獨得二十九篇即以教

于齊魯之間學者由是頗能言尚書諸山東大師無不

涉尚書以教矣伏生教濟南張生及歐陽生

集解駟案漢書日字

和伯千乘人

歐陽生教千乘兒寬兒寬既通尚書以文學應

郡舉詣博士受業受業孔安國兒寬貧無資用常為弟

子都養

案隱謂兒寬家貧為弟子造食也何休注公羊灼烹為養案有廝養卒廝掌馬養造食也

及

時時間行傭賃以給衣食行常帶經止息則誦習之以

試第次補廷尉史是時張湯方鄉學以為奏讞掾以古

法議決疑大獄而愛幸寬寬為人溫良有廉智自持而

善著書書奏敏於文口不能發明也湯以為長者數稱

譽之及湯為御史大夫以兒寬為掾薦之天子天子見



問說之張湯死後六年兒寬位至御史大夫

集解徐廣曰元符元

年九年而以官卒寬在三公位以和良承意從容得久

然無有所匡諫於官官屬易之不為盡力張生亦為博

士而伏生孫以治尚書徵不能明也自此之後魯周霸

孔安國雜陽賈嘉頗能言尚書事孔氏有古文尚書而

安國以今文讀之因以起其家逸書得十餘篇蓋尚書

滋多於是矣

索隱案孔臧與安國云舊書潛於壁室歟爾復出古訓復申臧聞尚書二十八篇取

象二十八宿河圖乃有百篇耶知以今文讎古篆隸推

科斗以定五十餘篇並為之傳也藝文志曰安國悉得

其書以考二十九篇得多十諸學者多言禮而魯高堂

生最本禮固自孔子時而其經不具及至秦焚書書散

亡益多於今獨有士禮高堂生能言之而魯徐生善為

容案隱漢書作頌亦音容孝文帝時徐生以容為禮官大夫傳子

至孫徐延徐襄襄其天姿善為容不能通禮經延頗能

未善也襄以容為漢禮官大夫至廣陵內史延及徐氏

弟子公戶滿意案隱公戶姓滿意名也案鄧展云二人姓字非也桓生單次案隱

單音善單皆常為漢禮官大夫而瑕丘蕭奮集解徐廣曰屬山陽

以禮為淮陽太守是後能言禮為容者由徐氏焉自魯

商瞿受易孔子案隱案商姓瞿名孔子卒商瞿傳易六

世至齊人田何字子莊案隱案漢書云商瞿授魯橋庇

弓授燕周醜子家子家授東武孫虞子乘子乘授何六傳也仲尼弟子傳作瞿傳馭臂子弘弘傳江東人矯子

庸疵疵傳燕人周子家堅堅傳淳于人光子乘羽羽傳  
齊人田子莊何與漢書不同駢音寒庇音必利反疵音  
自移而漢興田何傳東武人王同子仲子仲傳菑川人  
反

楊何案田何傳東武何以易元光元年徵官至中

大夫齊人卽墨成以易至城陽相廣川人孟但以易為

太子門大夫魯人周霸莒人衡胡集解徐廣曰臨菑人

主父偃皆以易至二千石然要言易者本於楊何之家

董仲舒廣川人也以治春秋孝景時為博士下帷講誦

弟子傳以久次相受業或莫見其面蓋三年董仲舒不

觀於舍園其精如此進退容止非禮不行學士皆師尊

之今上卽位為江都相案仲舒事以春秋災異之

變推陰陽所以錯行故求雨閉諸陽縱諸陰其止雨反  
 是行之一國未嘗不得所欲中廢為中大夫居舍著災  
 異之記是時遼東高廟災主父偃疾之取其書奏之天  
 子集解徐廣曰建元六年案漢書以為遼東高廟及長陵園殿災也仲舒為災異記草而未奏主父偃竊而奏之天子召諸生示其書有刺譏董仲舒弟子呂步舒集解徐廣曰舒一作茶亦音舒不知其師書以為下愚於是下董仲舒  
 吏當死詔赦之於是董仲舒竟不敢復言災異董仲舒  
 為人廉直是時方外攘四夷公孫弘治春秋不如董仲  
 舒而弘希世用事位至公卿董仲舒以弘為從諛弘疾  
 之乃言上曰獨董仲舒可使相膠西王膠西王素聞董

仲舒有行亦善待之董仲舒恐久獲罪疾免居家至卒  
終不治產業以修學著書爲事故漢興至于五世之間  
唯董仲舒名爲明於春秋其傳公羊氏也

胡母生

集解駟案漢書曰字子都

齊人也孝景時爲博士以老歸教

授齊之言春秋者多受胡母生公孫弘亦頗受焉

瑕丘江生爲穀梁春秋自公孫弘得用嘗集比其義卒

用董仲舒仲舒弟子遂者蘭陵褚大廣川殷忠

集解徐廣曰殷

一作段又作瑕也

溫呂步舒褚大至梁相步舒至長史持節使

決淮南獄於諸侯擅專斷不報以春秋之義正之天子

皆以爲是弟子通者至於命大夫爲郎謁者掌故者以

百數而董仲舒子及孫皆以學至大官

索隱述贊曰孔氏之衰經書緒亂言諸六學始自炎漢著令立官四方扼腕曲臺壞壁書禮之冠傳易言

詩雲蒸霧散興化

致理鴻猷克贊

史記卷一百二十一

史記卷一百二十一考證

儒林列傳胥靡申公集解徐廣曰腐刑○楊慎曰列子云胥靡登高不懼胥隸也靡末也胥靡末隸微賤之人腐刑無據

安得司空城旦書乎集解駟案漢書音義曰道家以儒法爲急比之於律令○楊慎曰司空城旦書蓋太后怒詈轅固之言意欲入以罪條比于城旦駟謂比儒生于律令非也儒家外自有刑名家何得以律令比之

欲求能治尚書者○尚書疏曰尚字乃伏生所加

孔氏有古文尚書○臣照按顏師古曰家語孔騰藏尚書孝經論語於夫子舊堂壁中漢紀尹敏傳云孔鮒所藏二說不同王應麟曰隋志云武帝時魯共王壞孔子宅得其末孫惠所藏之書皆古文也史通亦以爲孔惠所藏則又非師古所引二人者矣書疏云家語序云子襄以秦法峻急壁中藏其家書則又是安國祖藏之

史記卷一百二十一考證



# 經 售 處

東京市神田區今川小路二之十七

松 雲 堂

東京市神田區通神保町八

田 村 書 店

東京市神田區南神保町八

山 本 書 店

東京市神田區南神保町二

奎 運 堂

京都市寺町通丸太町南

彙 文 堂

大阪市天王寺區上本町八丁目

三 島 書 店



5  
176273  
(E)

